

三國志攷證

二







三國志攷證

(二)

潘眉撰

叢書集成初編

(補印本)

三國志攷證  
二冊

一九三九年十二月初版  
一九六〇年一月補印

潘 眉 撰

商務印書館出版

上海市印刷六廠印刷



三國志攷證卷五

魏書五

任城威王彰傳。

注及帝受禪。因封爲中牟王。

按此說誤也。封中牟王者。任城王子楷。非彰也。黃初二年。彰尙爲公。三年始封王。本傳云。立爲任城王。四年薨。文帝紀曰。任城王彰薨於京都。彰爲王僅兩年。而一見本傳。一見帝紀。皆曰任城王。其未封中牟甚明。魚豢乃云。諸侯畏彰。過中牟不敢不速。此虛造之言。裴世期引之謬矣。

陳思王植傳。

注登層臺以娛情。

鄴中記。銅爵臺。因城爲基。址高一十丈。有屋一百二十間。周圍彌覆其上。後趙石虎于銅爵臺上。更十尺。及安金鉏。屈戌。屏風。牀。正殿。安御牀。施蜀錦流蘇斗帳。四角置金龍。頭銜五色流蘇。及于銅爵臺穿二井。作鐵。梁。地道。以通井。號曰命子窟。于井中多置財寶。飲。皆以悅。舊制。魏時繁華聲伎矣。見。

注建高門之嵯峨兮。

鄴中記。鄴宮南面三門。西鳳陽門。高二十五丈。上六層。反字向陽。下開二門。未到鄴城七八里。遙望此門。水經注。鳳陽門三臺洞開。高三十五丈。

注  
連飛閣乎西城。

按。鄴二城。東西六里。南北八里六十步者。鄴之南城。見河朔訪古記。東西七里。南北五里者。鄴之北城。見水經注。

魏銅爵臺。在鄴都北城西北隅。見鄴中記。鄴無西城。所謂西城者。北城之西面也。臺在北城西北隅。與

城之西面樓閣相接。故曰連飛閣乎西城。及按酈道元云。鄴之北城百步一樓。又云層臺反字。飛檐拂雲。圖以丹青。色以輕素。當亦魏創其制。而石虎增飾華侈耳。

注  
臨漳水之長流兮。

水經注。武帝引漳。流自鄴城西東入。逕銅爵臺下。伏流入城東。注謂之長明溝也。

注  
天雲垣其既立兮。家願得而獲逞。

曹子建集。作天功。恒其既立。家願得而獲逞。

注  
開司馬門至金門。

按宮門謂之司馬門。每門立司馬主之。如百官志。南宮有南屯司馬。主宮門。蒼龍司馬。主東門。玄武司

馬。主玄武門。北屯司馬。主北門。北宮。則有朱雀司馬。主南掖門。東明司馬。主東門。朔平司馬。主北門。是

也。金門。疑即金門。水經注。鄴城有七門。南曰鳳陽門。中曰中陽門。次曰廣陽門。東曰建春門。北曰廣

注  
德門。次日廐門。西曰金明門。一曰白門。  
官至東安太守。

郡國志無東安郡。此注載劉脩爲東安太守。杜畿傳注有東安太守郭智。建安四年。太祖使臧霸入青州。破齊北海。東安立郡。在建安以前。歲月不可得詳。舊有東安縣。屬于琅邪。後遂升縣作郡。  
誅丁儀丁廙。

晉書陳壽傳云。丁儀丁廙。有盛名於魏。壽謂其子曰。可覓千斛米見與。當爲尊公作佳傳。丁不與之。竟不爲立傳。按丁儀丁廙。官不過右刺姦掾。及黃門侍郎。外無摧鋒接刃之功。內無升堂廟勝之效。黨於陳思王。冀搖家嗣。啓釁骨肉。事旣不成。刑戮隨之。斯實魏朝罪人。不得立傳明矣。晉史謂索米不得不爲立傳。此最無識之言。同時如徐幹、陳琳、阮瑀、應瑒、劉楨、吳質、邯鄲淳、繁欽、路粹、楊脩。皆無傳。益足證晉史之誣。

纓其王。

當依文選作占其王。

東屬大司馬偏舟之任。

偏舟之任。當依文選作偏師之任。

有不蒙施之物。必有慘毒之懷。

上句文選脫。

撮風后之奇。

撮當爲握。

小子志。

本傳但載小子不及長子。按曹子建集封二子爲公謝恩章云。詔書封臣息男苗爲高陽鄉公。志爲穆鄉公。又云苗志小豎並佩金紫。知長子名苗也。

中山恭王褒傳。

文學防輔。

魏制諸王在國。禁防嚴密。朝廷特設防輔。監國之官。以伺察之。此文學防輔是也。

東海定王霖傳。

嘉平元年薨。

齊王紀。嘉平二年十二月甲辰。東海王霖薨。此作元年者誤。

王粲傳。

注

文帝常賜楨廓落帶。其後師死。欲借取以爲像。

廓落帶卽鈎絡帶。革帶之有鈎者。師工師也。



劉廙傳

考廙過蒙分遇榮授之顯。考廙之愛已衰。

此兩云考廙當是廙父名廙耳。

注 阜子喬字仲彥。

仲彥唐書宰相世系表作伯彥。

劉劭傳

劉劭字孔才。

楊慎集引宋庠曰。卻从口。說文高也。故字孔才。楊子周公之才之卻。是也。三國志作劭。或作邵。从邑。皆非。眉按。本傳作劉劭。荀彧傳注作劉邵。皆傳寫之誤。晉刑法志。散騎常侍劉卻。从口作卻。不聞胡康。疑是孟康。

按胡康。沛國譙人。孟康。安平國安平人。當別有胡康。非即孟康。況孟康恩澤治績。吏民稱歌。與胡康性質不端。迥不侔合。

傅嘏傳

伯父巽。黃初中為侍中尙書。

按巽字公悌。傅子。為東曹掾。劉表傳。拜尙書郎。傅子。封關內侯。武帝十八年。紀注。文帝即王位。為散騎常侍。文帝紀注。

懷遠將軍公卿上尊號奏。太和中卒。

注 父充。

充字固。見唐書宰相世系表。充表作允。陽鄉侯。作陽都侯。俱誤。

注 五年正月。諸葛恪拒戰。大破衆軍於東關。

按少帝紀。東關之敗。在嘉平四年十二月。吳志云。十二月戊午。大破魏軍。是年十二月丙申朔。戊午。

十三日也。司馬彪戰略。作五年正月誤。

評曰。惟粲等六人。最見名目。

典論。目孔融、陳琳、王粲、徐幹、阮瑀、應瑒、劉楨。爲七子。陳評所云。粲等六人。則指王粲、徐幹、陳琳、阮瑀、應

瑒、劉楨也。

桓階傳。

桓階字伯緒。

任城太守孫夫人碑云。長沙人桓伯序。緒當依碑作序。階序字義相應。階長沙臨湘人。

徙封安樂鄉侯。

凡書法。初封曰封。進爵曰進。封不進爵。但更易邑土。曰徙封。亦曰更封。亦曰改封。亦曰轉封。桓階初封高鄉亭侯。至是進爵鄉侯。宜書進封。不當曰徙封。夏侯尚封平陵亭侯。文帝踐祚。更封平陵鄉侯。不書

進封而書更封。與此傳同失。若曹洪封野王侯。後徙封都陽侯。張既封都鄉侯。後徙封西鄉侯。彼皆徙封。與此不同。

陳泰傳

進兵爲翅。

爲翅。係烏翅之譌。胡三省曰。烏翅要地也。郭淮傳同。

陳矯傳

廣陵東陽人也。

晉書陳騫傳云。臨淮東陽人。騫卽矯子。劉頌傳云。臨淮陳矯。按晉書云。臨淮。此傳云。廣陵者。晉置臨淮郡。分廣陵之東陽屬臨淮。故矯在魏爲廣陵東陽人。在晉又爲臨淮東陽人。

注 矯本劉氏子。出嗣舅氏。而婚於本族。

矯娶劉頌女。矯本劉氏子。與頌近親。按御覽五百四十一引魏氏春秋。司空東萊王基。當世人儒。豈不達

禮。而納司空王忱女。以姓同源異故也。若如陳矯。可謂姓異源同矣。

注 騫字休淵。

裴注所引晉書。乃虞預晉書。今唐脩晉書陳騫傳。闕字。當以此補之。

徐宣傳

帝船回倒。

何義門曰。回卽梳也。古字通耳。

盧毓傳。

盧毓字子家。

唐書宰相世系表。作子象。後漢書盧植傳注。引

注禮記解詁。

按盧植傳。作三禮解詁。當從之。植上書云。臣前以周禮諸經。發起批謬。敢率愚淺。爲之解詁。是植又

周禮解詁甚明。

封一子高亭侯。

高字宜衍。高亭字相近。譌複也。

和洽傳。

出爲郎中令。

漢制。郎中令居禁中。魏制。不居禁中。洽由侍中爲郎中令。故曰出。

爲光祿勳。

黃初元年。改郎中令爲光祿勳。時洽爲郎中令。因改官名爲光祿勳。與遷調有別。



子禽嗣。禽弟適。注和嶠適之子。

禽當爲禽。呂忱字林。禽蟲名也。適當爲適。高貴鄉公紀。侍中和適作詩稽留。卽是此人。晉書和嶠傳。父適。魏吏部尙書。字並作適。

注常林傳。

遣船兵於峴山東。斫材梓柯。

斫材下疑脫爲字。梓柯繫船杖也。

裴潛傳。

注父茂封列侯。

茂封陽吉亭侯。見唐書宰相世系表。

注潛少弟徽事。見荀粲傳。裴王弼管輅諸傳。

按裴徽於魏志。惟見管輅傳。至如傅嘏傳無裴徽。惟注引傅子有徽。非傳也。荀粲王弼。魏志皆無傳。何劭作荀粲及王弼傳。荀粲傳引於荀彧傳。王弼傳引於鍾會傳。皆注也。若據陳志而言。則當云。徽事。見管輅傳。若兼傳注而言。則當云。見荀彧傳。嘏鍾會管輅諸傳。若據所出書而言。則當云。見荀粲王弼管輅傳。及傅子。

韓暨傳。

進封南鄉亭侯。邑二百戶。

進封南鄉侯也。衍亭字。凡亭侯。邑以百戶起。如梁習封申門亭侯。杜畿封豐樂亭侯。邑皆百戶。鄉侯以二百戶起。如和洽封西陵鄉侯。及暨封南鄉侯。邑皆二百戶。又按荀彧萬歲亭侯。邑二千戶。王觀陽鄉侯。邑二千五百戶。鄉亭之封。其廣如此。而邑侯有不及四分之一者。亦立制之未善也。

崔林傳。

司隸校尉屬郡。

屬七郡。三輔、三河、弘農。

高柔傳。

以柔爲管長。

管當爲營。青州濟南屬縣。此與司馬芝同誤。

注 大凡一歲所食十二萬頭。

虎食鹿七萬二千頭。狼食鹿萬八千頭。又狐食鹿子一月三萬頭。共計一歲食鹿十二萬頭也。狐不言一歲者。鹿子一月健走之後。狐所不能食。故但言一月所食。

注 爲黃沙御史與中丞同。

按晉書高光傳。是時武帝置黃沙獄。以典詔囚。以光爲黃沙御史。秩與中丞同。中丞謂御史中丞。黃沙。

一作長沙者非。

孫禮傳。

欲奮劍斫虎。

水經注十五載孫禮拔劍投虎事。以爲是魏文帝誤。

辛毗傳。

子敞爲河內太守。注官至衛尉。

按真誥闡幽微云。辛毗子名敞。爲河內太守。太常卿。傳注不言爲太常卿。闕略也。

楊阜傳。

阜常見明帝著褙。被縹綾半褻袖。

按宋五行志云。魏明帝著繡帽。被縹紈半袖。然則此一句中。脫一繡字。複一袖字。又譌紈爲綾也。縹、淺

青色。易緯稽覽圖云。白青之色如縹。

高堂隆傳。

青龍中西取長安大鍾。

帝紀注。徙長安鍾籥。在景初元年。與此不同。

時郡國有九龍見。

此九龍非一時並見。宋五行志以郡國前後言龍見者九。今園丘方澤南北郊明堂社稷神位未定。

此疏上於青龍四年。

權備並脩德政。

何義門曰備當作禪。

異類之鳥育長燕巢。

宋晉五行志並云有燕生鷹故下言鷹揚之臣。

口爪曾赤。

曾字誤宋晉志並云口爪俱赤。

胡質傳。

注 威字伯虎。

威一名貌見晉書本傳。晉書云威字伯武。此唐人避諱改虎為武也。如王天虎改王天武及王天獸白虎幡改白獸幡之類甚多。

注 威弟熊字季象征南將軍。

晉書胡威傳作安東將軍。

王昶傳。



進封京陵侯

由亭鄉進封邑侯。此魏朝定制。惟昶及諸葛誕、鍾會皆以亭侯超封邑侯。前此未嘗有也。封二子亭侯。關內侯。

按史例。關內侯書賜爵。亭侯以上書封。傳宜云封一子亭侯。賜一子爵。關內侯。今連文書封。非也。陳泰傳。賜子弟一人亭侯。二人關內侯。王基傳。封子二人亭侯。關內侯。其亭侯書賜。與關內書封。皆非正例。王基傳。

加揚烈將軍。

按王基碑。作揚武將軍。又按遷鎮南將軍。在賜爵關內侯前。皆當以碑爲正。

移其降民。置夷陵縣。

洪編修置域志云。夷陵縣不知屬何郡。眉按。少帝紀。嘉平三年。置南郡之夷陵縣。知夷陵屬南郡也。是歲基薨。

按碑文。基以景元二年四月辛丑薨。推是年四月戊寅朔。辛丑二十四日也。基薨年七十二。王凌傳。

大軍掩至百尺。

據水經注。百尺下當有堰字。

注 卿直以折簡召我。

漢制簡長三尺。短者半之。謂之折簡。北齊書魏收傳。尺書徵建鄴。折簡召長安。南史梁武帝紀。隨王止須折簡耳。謂禮輕者。但須折簡之半也。

母邱儉傳。

母邱儉。

楊慎曰。複姓有母邱氏。諸姓氏書音母作毋非也。漢書有曼邱臣。師古曰。曼邱母邱本一姓。史記田齊世家。伐衛取母邱。索隱曰。母音貫。貫邱古國名。衛之邑。今作母邱。字殘缺耳。索隱以母字爲殘缺亦非。蓋古字從省不用貝。漢有母邱興。母邱長。母邱毅。魏有母邱儉。皆同族也。按升庵之說當矣。母邱興卽母邱儉之父。而以爲同族亦失於不考。

父興。

水經注。魏將作大匠母邱興盛。儉父也。又穀水東南流。經母邱興盛墓。按父實名興。水經注誤。

注 時郭淮已卒。

按文欽此書作於正元二年閏正月十六日己亥之後。郭淮在正月三十日癸未卒。

夷儉三族。

儉夷族時得免者二人。一爲子句之妻苟氏。因族兄顓族父虞。並景帝姻通。共表魏帝以句其命。詔聽

離婚一爲荀所生女芝爲潁川太守劉子元妻荀辭詣何曾乞恩乞沒爲官婢以贖芝命曾騰辭上議朝廷遂改法事見晉書何曾傳及刑法志

諸葛誕傳

注以元疇四人爲四聰

聰字不誤一本作聰者非

欽子鴛及虎

史通二十魏世諸小書皆云文鴛侍講殿瓦皆飛蓋言其勇又御覽三百七十六引魏末傳曰諸葛誕殺文

欽及城陷欽子鴛虎先入殺誕噉其肝

鄧艾傳

鄧艾

集古錄云碑作艾當讀若刈

乃開廣漕渠

何義門據冊府元龜云遂北臨淮水自鍾離而南橫石以西盡泚水四百餘里置一營六十人且耕且守兼修廣淮陽百尺二渠上引河流下通淮潁大理諸陂於潁南北穿渠三百餘里溉田二萬頃淮南淮北皆相連接自壽春到京師農官兵田雞犬之聲阡陌相屬右九十三字當爲鄧艾傳本書後嚴東

有侍讀亦襲用其說。皆未知所出。故也。攷此文。實見晉書食貨志。置一營六十人。此句。册府元龜六十人。當改正。否則四百餘里中。僅有六十人耕耳。杜氏通典引之。一在漕運門。一在屯田門。其一依食貨志。多九十三字。其一無九十三字。依鄧艾傳。册府元龜誤并爲鄧艾傳。何嚴兩公又不考其所出。以爲鄧艾傳之逸文。謬矣。

增邑二萬戶。

魏朝爵土無封二萬戶者。宗室諸王。惟任城王彰。陳思王植曾封萬戶。正始中。曹爽封武安侯。邑萬二千戶。羣臣惟張魯以客禮封閬中侯。邑萬戶。滿寵封昌邑侯。前後增邑至九千六百戶。艾同時鍾會破蜀。進封縣侯。增邑亦不過萬戶。艾獨增邑二萬戶。若非傳寫之誤。則特典也。司馬氏爵土。不在此例。

鍾會傳。

以快一朝之政。

政當依文選取志。

與兵朔野。

朔野當作新野。

蜀相杜。

杜當作壯。史記秦本紀有蜀相壯。徐廣曰一作狀。

欲從漢德陽入江由。

注 陽下當有亭字。鄧艾傳云：經漢德陽亭趨涪。

以業嗣粲。

按王粲傳云：後絕。注亦不言業爲粲嗣。此據博物記及魏氏春秋二條。當引入王粲傳。

杜夔傳。

絲竹八音。靡所不能。

按荀勗以杜夔所制律呂。檢校太樂總章鼓吹八音。與律乖錯。始知後漢至魏。尺度漸長於古。四分有奇。夔依爲律呂。故致失韻。然則夔之所制。未臻至當。本傳過稱。殊爲失實。

尹齊。

晉宋樂志並作尹商。此齊字誤。

其聲鈞清濁。

鈞當爲均。

然知夔爲精。

宋律志。然下有後字。當從之。

朱建平傳。

朱建平。

三國列傳。雙名者惟建平一人。然建平傳不書字。當以字行耳。王濛溪肇和曰。荀彧傳。戲志才。司馬朗傳。趙威孫。裴潛傳注。王惠陽。鄭文信。劉廙傳。劉望之。董卓傳注。楊整修。劉先主傳。劉德然。張世平之類。皆字也。又劉先主傳。劉元起。後但書起。董卓傳注。胡文才。傳但稱才。管輅傳。王宏直。後單稱直。疑皆有衍文。若諸葛亮傳之石廣元。孟公威。則名輅名建矣。秦宓傳之任定祖。則名安矣。翁歸倉舒。則小字也。陶邱一周生烈。則複姓也。嚴白虎。劉雄鳴。則賊號也。惟管輅傳注。引別傳。有劉季龍。吳妃嬪傳注。引吳書。王夫人父名盧九。是雙名。然非正史不足據。

烏丸傳。

注冠步搖。

後漢書作箇步搖。

賜蹋頓難峭王汗魯王印綬。

難下脫樓字。前列邱力居。難樓峭王。汗魯王。四大人。邱力居死。從子蹋頓代立。故當為蹋頓難樓峭王。汗魯王。後漢書作賜蹋頓難樓。蘇僕延。烏桓。烏延等。

後樓班大峭王率其部眾奉樓班為單于。

樓班大絕句。謂樓班年既長也。

治廣寧如舊

按上谷郡有寧縣。又有廣寧縣。前書地理志。寧並作寧。寧字通。漢置烏桓校尉於上谷寧城。則寧縣而非廣

寧縣也。下鮮卑傳注亦云止烏丸校尉所治寧下。後漢書作寧城下。此廣字疑衍文。

鮮卑傳。

注 常以季春大會作樂水上。

注 後漢書作以季春月大會於饒樂水上。章懷注。水在今營州北。然則此注有譌脫也。

欽志賁。

注 後漢書作欽志賁。

注 從右北平以東至遼。遼接夫餘。貂爲東部。

注 當依後漢書作從右北平以東至遼東。接夫餘。濊貂。

注 烏侯秦水。

注 後漢書作烏集秦水。

注 聞汗人善捕魚。東擊汗國。

注 汗當爲倭。見後漢書。

注 北地庶人。

庶人當爲廉人。章懷云：廉縣名，屬北地郡。

東夷傳。

注 有膏離之國。

膏當爲橐。後漢書作索。章懷注音橐。

有涓奴部。

後漢書作涓奴部。

絳地交龍錦。注地應爲綈。

裴說是也。攷說文：綈，厚繒。管子：輕重訓。魯梁之民善爲綈。注：繒之厚者謂之綈。急就章。綈，絡縑練素帛。蟬注：綈，厚繒之滑澤者也。鄴中記：錦，或青綈，或白綈，或黃綈，或綠綈，或蜀綈。蓋卽錦之地。字皆作綈。不作地也。



# 三國志攷證卷六

## 蜀書

先主卽尊繼漢統。不以蜀爲國號。江表傳載吳主曰。前所以名西爲蜀者。以漢帝尙在故耳。今漢已廢。自可名爲漢中王。後爲帝。遂稱爲漢。故其盟文曰。自今日漢吳旣盟之後。勦力一心。陳志改漢爲蜀。於義未當也。

劉焉傳。

并州殺刺史張益。

益。後漢書作懿。錢少詹云。避晉宣帝諱。改之。眉按。書中懿師昭炎字皆不諱。不應獨改此名。當亦傳寫之誤。

當收儉治罪。

注 此詔旨如此。非實事也。儉爲馬相所殺。郤正傳亦云。爲盜賊所殺。致止。

致當爲至。

涼州逆賊。

范史作益州。下云於綿竹合聚。則在益州矣。此涼州誤。  
合聚疾疫之民。

疾疫當依後漢書作疫役。謂疫於徭役怨毒者。

斷絕谷關。

谷關謂斜谷及開道。三秦志曰。自秦入蜀有三谷四道。三谷者。其西南曰褒谷。南曰駱谷。從洋入。東南曰斜谷。從郿入。其所從皆殊。舊志謂首尾一谷。非是。其棧道有四出。從成和階文出者。爲沓中陰平道。鄧艾伐蜀由之。從兩當出者。爲故道。漢高帝攻陳倉由之。從褒鳳出者。爲連雲棧道。漢王之南鄭由之。從成固洋縣出者。爲斜駱道。武侯屯渭上由之。此四道三谷者。關南之險阨。攻取所從來固矣。

注  
甘寧。

此甘寧卽甘興霸。本傳不載。曾仕于璋。然吳書稱寧曾客巴郡。補蜀郡丞。後乃依劉表。卽在是時。

注  
屯胸臆。上蠶。下  
如振反。

胸音劬。此古音也。章懷吳漢傳注引十三州志音春。晉書音義引如淳曰音蠶。後又改胸爲胸。胸旣俗字。蠶亦非舊音。不可從。臆字亦宜從地理郡國二志作忍。

劉璋傳。

多在巴西。故以義爲巴西太守。

後漢書作多在巴士故以義爲巴郡太守。

兄瑁。

按焉四子範、誕、璋及小子瑁。瑁乃璋弟。稱兄瑁誤。

評曰聽相者之言則求婚吳氏。

此事本傳不載見穆后傳。

注

若韓嵩劉光之說劉表。

劉表傳劉光作劉先按先字始宗當名先此光字誤。

劉先主傳。

封涿縣陸城亭侯。

此句誤前漢無鄉亭之封考漢書王子侯表貞封陸成侯無亭字地理志陸成中山國縣名貞爲中山

靖王之後故封中山國之陸成縣侯成字無土旁王子侯表陸成侯下注涿字亦誤。

坐酎金失侯因家焉。

失侯在元鼎五年始當家陸成後徙涿耳。

龔都。

魏武帝紀作共都龔共同字。

注

蒼梧太守吳臣。

士燮薛綜等傳。並作吳巨。此臣字誤。

建安十六年。先主亦推璋持鎮西大將軍。

持下當有節字。

二十四年於定軍山勢作營。

山乃興字之譌。興勢亦山名。在成固縣。通典謂內有大谷爲盤道者是也。法正傳不誤。

大破淵軍。斬淵郤。

郤。在後主建興九年被箭死。郤字當爲等字。法正傳云。大破淵軍。淵等授首。

遣劉封孟達李平。攻申耽於上庸。

平傳不載取上庸事。考平以建安十九年爲犍爲太守。至章武二年。乃徵詣永安宮。當劉孟攻上庸時。

平方在犍爲。又平初名嚴。至建興八年。始改名平。建安中。不應書李平。蜀又不聞有兩李平。疑此字爲

衍。

表於漢帝。

此表李朝所造。

五十二年從事祭酒何宗。

按常璩言宗通推步圖讖讚立先主楊義亦言宗援引圖讖勸先主卽尊號然則勸進表何宗所撰亦三日。

赤家有三日高祖光武先主也昔王莽嫌三日見於讖緯改疊字爲壘至是卒符三日之讖臣父羣未亡時。

上列十二人名此云臣父羣謬誤顯然華陽國志作周羣父未亡時則周舒也錢少詹攷異從之眉按周舒亦著名於時何不竟稱周舒宋符瑞志云先是術士周羣言云云爲羣無疑非舒也臣父羣父字當改周。

光祿勳黃權。

黃權當爲黃柱錢少詹攷異作王柱亦誤。錢依毛本輔臣贊注。

前後上書者八百餘人。

按前載一百二十人後十二人及此六人而已考太平御覽五十引蜀志曰劉毅白攀等上言建安二十二年必有天子出其方今蜀志無此文然則譌脫不少矣。

注魏書典略。

按魏書言斬冉絕使命典略言有詔報答以引致之二說不同典略爲確考王朗與許靖書云得因無嫌道初開通展敘舊情以達聲問又曰正值天命受於聖主之會正在此時。

章武三年四月癸巳。

先主以四月二十四日殂。四月朔戊午。二十四日辛巳。非癸巳。

後主傳。

建興十四年。登觀阪看汶水之流。

晉書何旅曰。地名觀阪。自上觀下。汶卽岷字。說文作𪛗。漢志作岷。卽𪛗字之省。又省作岷。隸又作汶。與

青州朱虛萊蕪二汶音文者自別。

延熙七年閏月。

是年閏二月。

景耀六年資嚴未發。

漢避明帝諱莊。凡裝字亦改作嚴。裝莊同字也。吳漢傳。辦嚴上道。章懷注。嚴卽裝也。陳紀傳。不復辦嚴。

章懷注。嚴讀曰裝也。惟許靖與曹公書。復共嚴裝欲北上荊州。彼嚴字作治字解。與茲不同。

二主妃子傳。

陳承祚不爲孫夫人立傳。夫人還吳。同於大歸。

穆皇后傳。

後主卽卽位。

毛本複卽字

太子璿傳

璿、琮、瓚、謀、詢、璩。

依後主傳及蜀紀。詢當爲恂。璩當爲虔。謀、恂、虔。意義不相遠也。又詢、璩。說文無。並俗字。

妃子傳評

陳仁錫本脫評語三十五字。俗本之陋如此。

諸葛亮傳

備性好結眊。

通俗文曰。毛飾曰眊。按旄牛眊。出冉駹。青衣道夷等處。古但施於犬馬。至漢季始用於軍中。故韋昭注

晉語曰。若今將軍負眊。甘寧負眊帶鈴。武侯與吳主書。所送白眊薄少。與兄瑾書。先主帳下白眊。是也。

說文從毛耳聲。曹憲廣雅音。音二。後俗本譌二爲毛。故今淺學亦有誤讀若耄者。

注 庶。先名福。本單家子。

單音單複之單。單家猶言寒家。魚豢單家字屢用。

注 聞元直龐元仕財如此。

龐當爲廣。前注言亮與穎川石廣元徐元直俱游學。此注言徐庶與同郡石韜相親愛。韜卽廣元名。馮

本作龐元既誤。汲古本又將元仕二字誤倒。蓋以爲龐士元也。士元之士。既非仕字。龐士元亦未爲魏臣。此皆盲人塗改。遂至不成文理。財與裁同。

注

要應顯達爲魏。

爲魏。當作於魏。

封亮武鄉侯。

十道記以南鄭之武鄉谷爲武侯受封地。近洪編修補置域志從之。眉按武侯功在魏延上。延尙封南鄭。邑侯不應武鄉。僅封南鄭之鄉侯。考武鄉乃縣名。前漢屬瑯琊郡。中興省。至建安中嚴幹已封武鄉侯。可知武鄉縣雖省改於中興。而實復置於漢末矣。二國時封爵之制。皆以本郡邑爲封土。如魏張郃。鄭人封鄭侯。徐晃楊人封楊侯。吳文欽譙郡人封譙侯。漢陽興陳留人封外黃侯。時譙郡陳留不屬吳。亦遙領之。武侯瑯琊郡人。因以瑯琊之武鄉封之。猶張桓侯涿郡人。封西鄉侯。西鄉涿郡縣名。皆邑侯。非鄉侯也。

五月渡瀘。

瀘水。卽今之金沙江也。在滇蜀之交。自雲南昭通府北流入四川雷波廳界。其水色黑。故以爲瀘耳。在漢爲越巂郡地。若今瀘州。在漢爲犍爲。江陽縣地。非孔明所渡之瀘水。

責攸之禱允等之慢。以彰其咎。



上脫若無興德之言六字。昭明文選照依此傳。故亦闕六字。後李善補足之。注云。蜀志載亮表曰。若無興德之言。則戮允等以章其慢。今此無上六字。於義有闕誤也。蓋李善據董允傳以補之也。黃思米若濟曰。李善據董允傳補所脫六字。甚當。更據允傳省改下二句。則非也。彼在允傳。故節去攸之禕二人。但言允而文義已足。若其原文。則實有攸之禕在允字上。如武侯傳所載是也。今文選改下二句。失武侯原文之舊矣。

### 推演兵法作八陣圖

宋神宗曰。黃帝始制八陣法。敗蚩尤于涿鹿。諸葛亮造八陣圖於魚復平沙之上。礪石爲八行。晉桓溫見之曰。常山蛇勢也。文武皆莫能識之。此卽九軍陣法也。後至隨。韓擒虎深明其法。以授其甥李靖。靖以時遇久亂。將臣通曉其法者頗多。故造六花陣。以變九軍之法。使世人不能曉之。大抵八陣卽九軍。九軍者方陣也。六花陣卽七軍。七軍者圓陣也。八陣圖有四。一在廣都之八陣鄉。一百二十有八。當頭陣法也。一在魚復永安宮南江灘水上。六十有四。方陣法也。一在沔陽之高平舊壘。二百五十有六。下營法也。一在益州城東南隅棋盤市。亦二百五十有六。楊慎曰。八陣圖在蜀者二。一在夔州之永安宮。一在新都之彌牟鎮。在新都者。其地象城門四起。中列土壘。約高三尺。耕者或剗平之。經句餘復突出。此乃其精誠之貫。天之所支而不可壞者。蓋非獨人愛惜之而已耳。故其文指不得及遠也。邁蹤古聖。

不得及遠。一本作不及得遠。邁蹤。一作邁縱。並誤。

諸葛瞻傳。

爲翰林中郎將。

唐以前無翰林官。況冠於中郎將之上。此翰字乃羽字之譌。羽林中郎將。漢舊官也。

關羽傳。

注

羽啓公。布使秦宜祿妻行求救。乞娶其妻。

華陽國志。羽啓公。妻無子。下城乞納秦宜祿妻。啓公下有妻無子三字。較明晰。又按獻帝春秋時。宜祿已娶漢宗室女矣。

將軍傅士仁屯公安。

吳主及呂蒙二傳。皆作士仁。無傳字。此人姓士名仁。傳字衍文。士亦姓。吳有士燮。又輔臣贊。以麋芳。士仁。郝普。潘濬。爲一贊。糜。士。郝。潘。皆姓也。

張飛傳。

羽年長數歲。

近世星家書。推關侯以四戊午生。張侯以四癸亥生。此無稽之言。考先主起兵。在鄉里合徒衆。羽飛往從之。時獻帝初平元年。若關戊午生。是年十三歲。張止八歲。至初平三年。羽飛爲別部司馬。是年關十

五歲張十歲如星家言張侯以八歲從軍十歲爲別部司馬也殆不足據羽僅長飛數歲張非癸亥關亦必非戊午初平三年先主已三十二歲羽飛與先主年當相若耳

進軍宕渠蒙頭盪石

蒙當爲濛宕渠山東北有八濛山卽古濛頭也

封西鄉侯

涿郡前漢有西鄉後漢省此有西鄉者蜀漢時復置

馬超傳

封鬻鄉侯

史記周本紀郃徐廣曰今鬻鄉在扶風超扶風茂陵人故封鬻鄉侯

龐統傳

樹頰脰

說文脰足大指毛也此云頰脰非許君義東方朔傳舌齒牙樹頰脰師古曰頰肉曰脰音改以意解之

耳一切經音義脰胡賣反腦縫解也無上依經云頂骨無頰此頰字近之

注  
今指與吾爲水火者

毛本多指字當衍

統子宏。

按王象之涪州碑目。有漢涪陵太守龐肱闕。其文云。肱。龐士元子也。宏當依碑作肱。

法正傳。

右扶風郿人也。

郡例不書左右。惟官稱左右。張既傳。馮翊高陵人。無左字。蘇則傳。扶風武功人。無右字。考後漢書劉焉傳。注引蜀志。無右字。章懷所見者古本也。此右字。係後人妄增。馬超傳。右扶風。同誤。

後因璋聞曹公欲遣將張魯之有懼心也。

汲古本。將下脫征字。

分平。資中。德陽。三道並侵。

考郡國志。資中。德陽。皆漢舊縣。惟無平縣。平卽平州也。宋志謂晉太康元年。以野民歸化立州者。非。蓋漢建安中。巴西郡已有平州。

注 先主與曹公爭。

凡注皆先標書目人名。裴氏自注。亦必署臣松之云云。此注獨不詳。亦係脫誤。書中不標明者。蜀志

傳。諸葛亮。簡雍。董和。劉封等。皆有。魏吳二志亦不少。

許靖傳。

漢陽周毖。

毖後漢書作秘。

南陽宋仲子。注儒者宋忠。

注宋仲子即宋忠。

為主擇居安。

此句多居字。一本作為主擇居。皆因上文有為身擇居而誤耳。

麋竺傳。

注可分五縣為嬴郡。

五縣。嬴、博、奉高、梁甫、鉅平。

伊籍傳。

山陽人。

山陽郡名。其邑未詳。下云少依邑人劉表。然則籍山陽高平人也。

秦宓傳。

注三朝記七篇。今在大戴禮。

七篇。據王伯厚說。千乘、四代、虞戴誥志、小辨、用兵少間也。

春秋然否論。

此五經然否論之一。

劉巴傳。

諸葛孔明數稱薦之。

史例宜稱名。此非是。

馬良傳。

謾下獄物故。

按書法。劉炎傳書。炎竟棄市。周羣傳書。裕遂棄市。或云伏辜。或云伏誅。無書物故者。輔臣贊注。馬謾敗績。亮殺之。王平傳。丞相亮誅馬謾。諸葛亮傳。戮謾以謝衆。謾見殺明矣。物故之稱。似乖史例。又按向朗傳。謾逃亡。朗知情不舉。亮恨之。謾逃亡事。在街亭前一年。

劉封傳。

立阿斗爲太子已來。

此太子是漢中王太子。非皇太子。魏立五官中郎將丕爲魏太子。載魏武本紀。吳立登爲王太子。載吳主傳。蜀漢立王太子。先主傳獨不書。而於此傳見之。

廖立傳。

注 且宜處五校。

漢制以步兵校尉、屯騎校尉、越騎校尉、長水校尉、射聲校尉爲五校。魏制與漢同。羣臣奏永寧宮五校連名。蜀亦沿漢制。步兵校尉見輔臣贊注。屯騎校尉見孟光傳。越騎校尉見楊洪傳。射聲校尉見向朗傳。長水校尉見廖立傳。時立爲長水校尉。故云。且宜處五校。其餘如司隸校尉、儒林校尉、典學校尉、昭信校尉、司鹽校尉等不在五校之列。

李嚴傳。

遣軍圍新道縣。

按兩漢無新道縣。蜀漢置。屬越巂郡。

注 征南將軍臣劉巴。

此又一劉巴。非劉子初也。子初未爲征南將軍。且卒於章武二年。此表在建興九年。相去已十餘年。

劉炎傳。

呼卒五百搃胡。

卒字當衍。按漢書鼂錯傳。四里一連。連有假五百。服虔曰。五百。帥名也。後漢書禰衡傳。令五百將出。注。五百猶今之問事也。宦者曹節傳。越騎營五百妻有美色。注。引韋昭辨釋名曰。五百。字本爲伍伯。伍當也。伯導也。使之導引。當道陌中以驅除也。今俗呼行杖人爲五百也。宋百官志云。諸官府至郡各置五

百。又禮志云。車前五百者。卿行旅從。五百人爲一旅。漢氏一統。故去其人。留其名也。據諸說。五百卽卒也。傳言呼卒五百。旣云卒。又云五百。于文爲複。魏志荀彧傳。顧伍伯捉頭出。梁習傳注。便使伍百曳。五官掾孫弼入。並不加卒字。

魏延傳。

注

橫門邸閣。

邸閣。貯糧之所也。李傕謂我邸閣儲儲。王基分兵取雄父邸閣。收米三十餘萬斛。又南頓有大邸閣。計足軍人四十日糧。孫策渡江攻牛渚營。盡得邸閣糧穀戰具。吳主遣全琮燒安城邸閣。諸葛武侯運米治斜谷邸閣。角之爲字。刀下用也。

此解從俗體。

霍峻傳。

合郡曲數百人。

郡曲。當爲部曲。凡領兵營有五部。部有校尉及軍司馬。部下有曲。曲有軍候。

向朗傳。

注

襄陽記向充曰。今中撫軍名炎。而漢年極於炎興。襄陽記習鑿齒撰。漢晉春秋之旨。略本於此。



楊洪傳。

漢中則益州咽喉。

按黃權亦曰。若失益州。則三巴不振。此爲割蜀之股臂也。先主殺夏侯淵。據漢中爲蜀重鎮。建安二十四年。拔魏延爲都督。鎮漢中。後主建興五年。諸葛亮出屯漢中。十二年。亮卒。吳壹假節督漢中。十五年。王平代壹督漢中。延熙元年。蔣琬出屯漢中。六年。還住涪。王平統漢中。十一年。費禕出屯漢中。景耀元年。姜維始令督漢中。胡濟卻住漢壽。使將分守漢樂二城。漢城在沔陽。樂城在成固。皆漢中郡屬縣也。於舊法爲一變。蓋卽王平守漢中時諸將之策也。

周羣傳。

主公得益州。九年之後。寅卯之間當失之。

按先主以建安十九年得益州。至章武二年壬寅。凡九年。明年癸卯殂。故云。九年之後。寅卯之間當失之。非謂失益州也。

孟光傳。

漢太尉孟郁之族。

後漢書靈帝紀。太常河南孟軻。軻。古郁字。衛尉許軻。袁宏漢紀亦作許郁。本作軻。說文軻。軻乎文。今論語亦作郁。

爲長樂少府。

太后三卿衛尉、少府、太僕、後主皇太后稱長樂宮。此長樂少府其一卿也。魏制在同名卿下。羣臣奏永寧宮。永寧衛尉太僕署名在衛尉太僕後。蜀制在同名卿上。與漢中興制同。故光由長樂少府遷大司農。

來敏傳。

精於倉雅訓詁。

同時爲倉雅之學者有魏博士張揖著埤倉廣雅。來敏學失傳。按江式曰：李斯破大篆爲小篆。造博士學七章。後人分五十五章三卷爲上卷。至哀帝元壽中。揚子雲作訓纂。麻六章。胡母敬造博士學七章。帝永元中。賈叔郎接記。滂喜爲下卷。稱爲三蒼。蓋後人以爰麻博學。統於倉頡。爲一卷。胡母敬。而不及趙高胡母敬。

爲大長秋。

大長秋皇后卿。後漢用宦者爲之。蜀選用士人。變漢制。

尹默傳。

劉歆條例。

漢書儒林傳。劉歆見古文左氏傳好之。引傳文解經。由是章句義理備焉。鄭興傳。興從歆講正大義。歆使撰條例章句傳詁。言左氏者多祖於興。子衆作春秋雜記條例。賈逵傳。父徽從劉歆作左氏條例二。

十一篇

陳元方服虔

方字衍文。陳元方無左氏學。此陳元也。後漢書陳元傳。建武初立左氏學太常。選博士四人。元為第一。譙周傳。

撰定法訓五經論古史考書之屬

五經論。即五經然否論。古史考書。書字衍文。玉海<sup>四十</sup>引此文作法訓。五經論。古史考之屬。無書字。想見宋板之善。法訓古史考。御覽諸書多引之。五經然否。劉昭注禮儀志引之。

郤正傳

官不過六百石

漢制祕書監六百石。蜀改監為令。時正為祕書令。故云六百石。

呂凱傳

翊贊季興

次於中興。曰季興。魏武帝紀注引三輔決錄曰。觀漢祚將移。謂可季興。吳雲<sup>鳴鈞</sup>曰。時人以後漢為中漢。蜀漢為季漢。故楊戲作輔臣贊。名季漢。輔臣贊序曰。自我中漢之末。王綱棄炳。

馬忠傳

進封彭鄉亭侯。

亭字當衍。依華陽國志作彭鄉侯。常璩序志。鄉亭侯亦誤。作彭

王平傳。

若賊分向黃金。

黃金者谷名。元和郡縣志。黃金谷去黃金縣九里。其谷水陸艱險。語曰山水艱阻。黃金子午。南齊書高

帝本紀云。黃金山張魯舊戍。南接漢川。北枕驛道。險固之極。

句侯反。扶。

侯當爲候。廣韻。句收去聲。注。前有王句。後有張廖。廖力救切。句與廖叶。應爲古候反。句扶字孝興。見

華陽國志。

張嶷傳。

注。他里邑。

他里。汶山縣名。

嶷平之曰。

平同評。高誘淮南時則訓注。平正讀評。議之評。又同辯。堯典平章。今文尙書作辯章。又可作料字解。武

侯表曰。夫難平者事也。

只住安定縣

定字譌。當爲安上。安上。蜀漢新置縣。屬越巂郡。下云更由安上。卽此安上縣也。定祚臺登卑水三縣。舊出鹽鐵及漆。

唐書張柬之傳云。張伯岐選取勁兵。以增武備。蓋謂此也。華陽國志。定祚縣在郡西。度廬水。賓岡。徼白。摩沙夷。有鹽坑。積薪以齊水灌而焚之。成白鹽。漢東夷等皆錮之。臺登有孫水。一曰白沙。江山有磐火。燒成鐵。又有漆。

又令離姊逆逢妻。

姊字衍文。逢妻卽離姊。不當更有姊字。在逆字上也。下云離旣受賜。并見其姊。姊弟權說。可見。

蔣琬傳。

廖淳。

廖淳卽廖化。宗預傳。廖化字元儉。本名淳。

遂安厝之。

蔣琬墓在涪縣陽泉。見華陽國志。

姜維傳。

出石營。

營陳泰傳作營。

楊戲傳。

楊戲。

華陽國志作楊羲。羲戲古字通。伏羲莊荀俱作慮戲。然則楊戲之戲當讀作平聲。

輔臣贊注。

原注陳壽作其王元泰習文祥注。引襄陽記李永南李偉南注。引華陽國志李孫德李偉南注。引益部耆舊記張文進注。引蜀記皆裴松之注。

注

歷維邨令南廣漢太守。

按南廣漢誤廣漢本漢郡。後主延熙中分四縣置東廣漢郡。本華陽國志則南廣漢當是東廣漢。又按漢犍爲郡有南廣縣。後主延熙中即南廣縣置南廣郡。本水經注則南廣漢當作南廣。衍漢字或漢字乃郡字之譌。

王嗣常播衛繼。

三人皆裴松之引附。非陳承祚本書。汲古閣本凡裴注皆小字。而此獨用大字。蓋誤以爲陳志。

衛繼傳。

大尙書。

晉書魯芝傳。遷大尙書。掌刑理。祝睦劉寬二碑。皆有大尙書。大尙書者。即尙書也。

# 三國志攷證卷七

## 吳書一

### 孫破虜傳

吳書有本紀。故孫皓欲爲父和立本紀。韋昭執以和不登帝位。宜名爲傳。陳壽修志。乃悉改爲傳。蓋孫武之後也。

陳志不詳破虜父祖名字。裴注亦略之。考宋符瑞志。孫堅之祖名鐘。家在吳郡富春。獨與母居。性至孝。遭歲荒。以種瓜爲業。忽有少年詣鐘。乞瓜。鐘厚待之。三人謂鐘曰。此山下善可作冢。葬之。當出天子。君可下山百步許。願見我去。即可葬也。鐘去三十步。便反顧。見三人並乘白鶴飛去。鐘死。卽葬其地。在縣城東。

會稽妖賊許昌。起於句章。與其子韶。

後漢書靈帝紀。許昌作許生。東觀記。許韶作許昭。續漢書天文志。臧洪傳。皆作許生許昭。此昌韶字誤。討逆傳注。嚴白虎投許昭于虜中。亦不作韶。可證。史炤通鑑釋文。句音鈞。胡三省據經典釋文。音九具反。又如淳韋昭皆音拘。按闕駟十三州志云。句踐之地。南至句餘。其後并吳。因大城句章。伯功以示子孫。故曰句章。然則史炤音是也。

三月甲子三十六萬一旦俱發。

三月依後漢書靈帝紀當爲二月三十六萬。錢少詹云當爲三十六方。眉按後漢書亦作三十六萬。章懷引續漢書曰三十六萬餘人則萬字似不必改。錢校作方字者據范蔚宗皇甫嵩傳及司馬彪五行志耳。

請堅爲左軍司馬。

左軍當爲佐軍。毛本誤。本傳及討逆傳屢見。

注要當斬一青綬。

丁孚漢儀曰二千石綬。羽青地。桃華縹。續漢志曰九卿中二千石二千石青綬。

梟其都督華雄。

按督當爲尉。華當爲葉。廣韻二十九葉引吳志孫堅傳有都尉葉雄。知宋本作都尉葉雄。今本誤也。宜

依廣韻改。

注應氏漢宮。漢宮傳國璽。

二宮字皆當爲官。

初平三年。注初平四年。

裴松之以破虜在初平二年卒是也。此三年四年皆誤。



孫討逆傳

還葬曲阿

董覽吳地志曰。曲阿秦時名雲陽。太史曰。東南有天子氣。在雲陽之間。故鑿此崗。令曲而阿。因名曲阿。後嘉禾三年。詔復曲阿爲雲陽。

注

策渡江攻繇。是歲興平二年也。

二年當爲元年。後漢書獻帝紀。興平元年。劉繇與孫策戰。繇軍敗績。孫策遂據江東。考是年。策以朱治爲吳郡太守。治在郡三十一年。黃武三年卒。若興平二年。至黃武三年。止得三十年。不得三十一年。故

注

當以元年爲確。策渡江在初平四年。明年乃爲興平元年。見魏武紀。

上天垂司過之星。  
鬼料竅云。文昌六星。五曰司命。以司諸過。

注

乃投西塞。

西塞山名。在今湖北大冶縣東。三國吳時。爲陽新縣地。

注

斬虎狼韓晞。

劉表遣從子虎。南陽韓晞。助黃祖。不聞有狼。疑此狼字當衍。

曹公爲子章取賁女。

章當爲彰。卽任城王。

揚州刺史嚴象。

魏志荀彧傳注亦作嚴象。按太平御覽八

一百一十

引吳志作嚴眾。眾卽衆字。宋本當作嚴衆。故御覽用眾

字。今本乃譌衆爲象耳。

至夜卒。

班史宗室例書薨。陳志於討逆本傳書卒。於吳主傳及周瑜程普等傳又書策薨。體例未能畫一。亦是一病。

吳主傳。

建安五年是時惟有會稽、吳郡、丹陽、豫章、廬陵。

廬陵下似脫廬江一郡。

使丞之郡。

時以顧雍爲會稽郡丞。

十三年遇於赤壁。

元和郡縣志。沔州汶川縣赤壁。古今地書。多言此是曹公敗處。按劉表卒。其子琮代立。在襄陽。劉備屯樊。琮降曹公。備隨南走。曹公以江陵有軍實。恐備先據得之。自當陽。倍道追備。一日夜行三百里。遂尅

江陵。又自江陵追備至巴邱。遂至赤壁。孫權遣周瑜程普各領兵萬人與劉備來敵曹公。遇於赤壁。因風縱火。曹公大敗。遂取華容道步歸。退保南郡。瑜等復追之。曹公留曹仁守江陵。自徐北歸。據此而言。則赤壁不在汨川也。何則。曹公既從江陵水單至巴邱。赤壁又在巴邱之下。軍敗引還南郡。周瑜水軍退並是大江之中。與汨川殊爲乖謬。蓋是側近居人見崖岸赤壁。因呼爲赤壁。非曹公敗處也。考赤壁在今武昌府嘉魚縣江水右。逕山北。若李吉甫所云之汨川。則今爲漢陽府漢川縣。

十六年徙治秣陵。

本傳云。五年屯吳。至是云徙治秣陵。似從吳徙秣陵。王伯厚地理通釋云。建安十三年鎮丹徒。築京城。十六年徙治秣陵。眉按。王說是也。周瑜魯肅呂範傳並云。備詣京見權。是年爲十三年。又胡綜傳云。權爲車騎將軍。都京。權實鎮丹徒。此徙治秣陵。乃從京口徙秣陵耳。吳雲璈鳴鈞曰。或據孫韶傳。孫河爲將軍屯京城。河子韶。繕治京城。權甚器之。以爲鎮丹徒。築京城者。孫河父子。非吳主也。愚考孫河與孫翊同時被害。權定丹陽。過京城。甚器孫韶。時尙在建安九年。至十三年。權則自鎮丹徒。更修築京城。與孫河父子治京城。相去已四年矣。蜀先主傳亦云。先主至京。見權綢繆恩紀。然則權住京城。屢有明證。本傳失載。史官之失也。

二十四年南郡太守糜芳。

糜姓。从鹿。作糜。毛本作糜誤。虞翻傳同誤。

年注二十五魏啓

魏啓書未詳當是魏略之譌

使使持節太常高平侯貞

貞邢貞

元黃武年自正月至於閏月

是年閏六月

注又以素書所作典論

許慎解素白綴縉也蔡中郎非流紈豐素不輕下筆即此素字

魏欲遣侍中辛毗

按欲字當爲乃字見太平御覽八·一百十引

年二改四分用乾象麻

宋書麻志光和中穀城門候劉洪始怡四分於天疎闊更以五百八十九爲紀法百四十五爲斗分造

乾象法又制遲疾麻法以步月行方於太初四分轉精微矣魏太史丞韓翊以爲乾象麻吳中書令

闕澤受劉洪乾象法於東萊徐岳故孫吳用乾象麻至於吳亡

注四年從劉繇於酒來長七八九寸

酒來當作江東。汲古本誤。長七八九寸。八當爲尺。

黃龍元年權乃參分天下。

參分者。參酌以分天下。與三分異。蜀志謂之交分天下也。自是以後。蜀徙魯王永爲甘陵王。梁王理爲安平王。以魯梁在吳分界。故也。吳亦解步騭冀州牧職。又解朱然兗州牧職。以冀兗在蜀分界。故也。其實魯梁兗冀。皆是魏地。

二年求夷洲及亶洲。

亶洲。後漢書東夷列傳作瀆洲。瀆、亶同字也。韓昌黎送鄭尙書序。夷亶之州。亦作亶。不從水旁。夷洲。亶洲。並國名。

三年會稽南始平。

漢無南始平。吳分章安新置。

嘉禾元年閩中令孫琮。

閩當爲郎。遼東無閩中也。公孫淵傳注。作郎中令。

二年幽青二州十七郡七十縣。

按郡國志。幽州郡國十一。青州郡國六。并之。計十七郡。幽州。涿郡七縣。廣陽郡五縣。代郡十一縣。上谷郡八縣。漁陽郡九縣。右北平郡四縣。遼西郡五縣。遼東郡十一縣。元菟郡六縣。樂浪郡十八縣。遼東屬

注  
國六縣。青州。濟南郡十縣。平原郡九縣。樂安國九縣。北海國十八縣。東萊郡十三縣。齊國六縣。共得一百五十五縣。此注云七十縣。多寡不符。疑七十上脫百字。建安末。頗有分立縣。合之當得百七十縣耳。君運其才略。官方任賢。顯直措枉。羣善必舉。是用錫君虎賁之士百人。

此九錫文。止有八錫。當是古本相沿。脫去一行。君運其才略。四句下。當云。是用錫君納陞。以登。再加四句。然後接是用錫君虎賁之士百人。然安知非五句連屬。而吾以爲脫在羣善必舉之下。是用錫虎賁之上者。以魏武九錫文云。君研其明哲。思帝所難。官才任賢。羣善必舉。是用錫君納陞。以登。吳主九錫文云。君運其才謀。官方任賢。是用錫君納陞。以登。晉文九錫文云。公簡賢料材。營求俊逸。爰升多士。寘彼周行。是用錫公納陞。以登。宋武九錫文云。公官方任能。網羅幽滯。九臯辭野。髦士盈朝。是用錫公納陞。以登。齊高九錫文云。公明鑒人倫。登辯涇渭。官方與能。英乂克舉。是用錫公納陞。以登。梁武九錫文云。公揚清抑濁。官方有序。多士聿興。械樸流詠。是用錫公納陞。以登。陳武九錫文云。以公抑揚清濁。褒德進賢。髦士盈朝。幽人虛谷。是用錫公納陞。以登。合諸文觀之。則此任賢舉善云云。其爲錫納陞之辭無疑也。納陞者。孟康曰。納內也。鑿殿基際爲陞。使不露也。

年三  
權遣陸遜諸葛瑾等屯江夏沔口。

沔口初屬魏。文聘爲江夏太守鎮焉。通典云。青龍後屬吳。時嘉禾三年。魏青龍二年也。  
年赤  
注烏四  
零陵太守殷札。

殷札當爲殷禮。見顧邵趙達等傳。舊本禮作札。故譌爲札。  
元太  
年吳高陵松柏斯拔。

高陵孫破虜陵。見本傳注。  
年二  
葬蔣陵。

菀文類聚引山謙之丹陽記。孫權葬蔣山南。因山爲名。號曰蔣陵。蔣山。卽今鍾山。

孫亮傳。

大赦改元。

是年改元。獨不書年號。考是年改元爲建興。諸葛恪以建興元年作東興隄。陸抗以建興元年拜奮威將軍。卽此年也。御覽一百一十八引吳志。大赦改元建興元年。然則宋本有建興元年四字。今本譌脫耳。

率軍遏巢湖。城東與。

郡縣志。巢湖在巢縣西五十里。周迴五百里。南出於東關口。合肥界東南。有石渠。鑿山通水。是名關口。一號東興。其地高峻險狹。實守阨之所。天下有事。是必爭之地。

五鳳  
年陽羨離里山。

離里當爲離墨。古仙人名也。離墨山一名國山。張毅堂壽昌曰。明一統志。國山本名離墨山。有九岑相連。亦名陞山。沈敕荆溪外紀曰。孫亮五鳳二年。離墨山大石自立。慎蒙名山紀勝云。離墨山石無故。

自立並作離墨。

城廣陵。

廣陵本屬魏嘉平後屬吳。

太平元年以綝為大將軍假節封永康侯。

永康侯當依本傳作永寧侯時張布封永康侯永康吳新立永寧漢舊縣吳屬臨海。

孫休傳。

永安三年以會稽南郡為建安郡。

南郡係南部之譌。

五年太子名靈字曾。

按靈見廣韻二十七刪不誤曾南監本毛陳本皆作茵廣韻九迄茵字註云吳王孫休長子字知宋本作茵明本譌為曾也然茵字見爾雅釋艸張衡西征賦蔡邕述行賦多用之吳主詔曰皆用新造字不應仍用舊字知茵字亦非也向嘗以此字問嘉定錢同人侗錢云小名錄作蘭今當以蘭字為正眉按蘭字字書所無俗本小名錄謬誤甚多不可為典要使果字蘭何廣韻不別收蘭字亦未敢定也今姑從廣韻校改茵字猶為與宋板書同耳次子各靈字羿靈見廣韻十二庚羿見一先俱不誤

注次子名相字昱



此據南監本作相。汲古本作拒。陳仁錫本亦作相。相拒字皆誤。考廣韻三十七蕩有詎字。注云吳王孫休子名。當以詎字爲正。昱卽昱字。小名錄作昱字。按昱昱亦舊字。廣韻昱字注不云吳王孫休子字。惟司馬溫公類篇皿部昱字。又云苟詐切。吳王孫休子字。別無辨證。姑從之。又按廣韻類篇集韻俱有詎字。皆注云吳王孫休子名。廣韻于三十七蕩旣收詎字。不應于一屋復收詎字。況吳王詔曰音如草莽之莽。則廣韻一屋與集韻類篇虛谷切之詎字斷非也。

注

次子名寇。字玃。

寇字見廣韻六毫。玃字見集韻云委勇切音隴。吳王孫休子字。然則四子名字共八字。當作靈、蔭、璽、玃、昱、玃、玃、爲正。

使察戰到交阯。調孔爵大豬。

考是年所使察戰其人爲鄧苟也。見晉書陶璜傳。調孔雀三千頭。苟在交阯爲呂興所殺。汪芝亭繼熊曰。吳時察戰中使也。孫奮傳注引江表傳曰。遣察戰齎藥賜奮。晉書五行志曰。兼遣察戰等爲內

史。驚擾州郡。當以奄宦爲之。

年六

呂興旣殺孫請。使使如魏。請太守。

按陶璜傳。晉文帝卽拜呂興爲安南將軍。交阯太守。

孫皓傳。

時年二十三。

二十三當爲二十五。考是年魏咸熙元年甲申。至晉太康元年庚子。凡十七年。皓以是歲死於洛陽。年四十二。此作二十五方合。

元興元年徐紹孫咳。

徐紹。晉書文帝紀作徐劭。孫楚傳又作符劭孫郁。

晉文王與皓書。

孫楚傳載文王與皓書。與此不同。又云劭等至吳。不敢爲通。然則文王令楚所作之書。至吳未通。其所通者。又是一篇。此魏晉春秋所載者是也。此書不知何人作。

注 兼成都之械。

械謂器械。時新并蜀軍。故云兼成都之械。

元寶鼎元年謙自殺。

按吳麻言丁固獲謙。皓醜之子母皆死。與此異。

建衡三年禽殺晉所置守將。

謂殺毛昺、禽楊稷、孟幹、爨能、李松等也。

諸將破扶嚴。

時梁奇爲扶巖賊帥。見陶璜傳。  
元鳳皇年。右丞相萬彧被譴。

按本傳寶鼎元年。以陸抗爲左丞相。常侍萬彧爲右丞相。建衡元年。左丞相陸抗卒。鳳皇元年。右丞相萬彧被譴憂死。自鳳皇二年。至天紀二年。不書何人爲丞相。天紀三年。乃書軍師張悌爲丞相。考吳禪國山碑。有丞相沈。時在天璽元年。然則鳳皇後。天紀前。有名沈者爲丞相。史闕不書。碑又不詳其姓。不可考矣。又按真誥注。引許長史世譜云。吳丞相許晏字孝然。長史四世族祖也。考許晏仕吳。官至執金吾。未爲丞相。嘉禾二年。使遼東。爲公孫淵所斬。時則顧雍方爲丞相也。

二年。投其身於四望之下。

元天璽年。湖邊得石函。中有小石。四望山名。在上元縣西北。

按禪國山碑云。旃蒙協洽之歲。受上天玉璽。文曰。吳真皇帝。乃以柔兆涒灘之歲。紀號天璽。用彰明命。是得璽在天璽前一年。今書得函。在本年者。非。

注。歷陽縣有石山。

石山當作歷山。下云。以太牢祭歷山。是也。

兼司徒董朝。

禪國山碑云。大司空董朝。考建衡三年。司空孟仁卒。朝當以是年爲司空。鳳皇二年。司徒丁固卒。朝當以司空兼司徒。故碑稱大司空。而史書兼司徒。

天紀  
三年生工人黃耆家。

黃耆當作黃狗。晉宋五行志。並作狗。干寶曰。吳以土運承漢。故初有黃龍之瑞。及其季年。而有鬼目之妖。託黃狗之家。黃稱不改。而貴賤大殊。天道精微之應也。按干寶以黃狗對黃龍。故曰貴賤大殊。

鬼目菜長丈餘。買菜長四尺。

鬼目見爾雅。郭璞云。子如耳環。赤色叢生。神農本草。謂之羊蹄。陶隱居云。今人呼爲禿菜。蓋無長丈餘者。買菜。卽苦蕒菜。通藝錄云。苦蕒菜。八九月生。葉皆從根出。不生莖。亦無高至四尺者。今鬼目長丈餘。苦蕒長四尺。如枇杷形。此皆所以爲妖也。

買菜作平慮草。

楊雄甘泉賦注。如淳曰。并閭。其葉隨時改。政平則平。政不平則傾。顏師古曰。如氏所說。自是平慮耳。今東觀以買菜爲平慮。亦以生於吳平家。因附會爲瑞稱耳。然黃狗固土德之衰徵。而吳平亦歸命之惡識。

四年  
三月丙寅。戊辰。壬申。王濬最先到。

推是年三月戊子朔。無丙寅。戊辰。壬申。此三日皆誤也。考晉書王濬傳。壬寅濬入于石頭。後上書云。十

四日至牛渚。去秣陵二百里。又云。臣以十五日至秣陵。今以三月朔戊子推之。十五日恰得壬寅。此傳壬申。當依濬傳作壬寅爲確。三日事在一時。丙寅是丙申。戊辰是戊戌。

注

領州四。

荆、揚、交、廣也。通典云。吳置交、廣、荆、郢、揚、五州。周瑜傳云。走曹仁于郢都。是又有郢也。魏文帝紀。黃初三年。復郢州爲荊州。蓋黃初中廢。

注

郡四十二。

當作四十三。初學記。引括地志云。平吳得郡四十三。孫權置臨賀、武昌、朱崖、新安、廬陵、五郡。孫亮又置臨川、臨海、衡陽、湘東、四郡。孫休置天門、建平、建安、合浦、四郡。孫皓置始安、始興、邵陵、安成、新昌、武平、九德、吳興、東陽、桂林、滎陽等十一郡。因立宜陽一郡。并漢十八郡。合四十三郡。晉書武帝紀及通典皆云四十三郡。

五年。

按吳亡於天紀四年三月。安得更有五年。況皓卽以是年死。此五年字當衍。

注

丁奉鍾離婁。

按文選作丁奉離婁。無鍾字。卽丁奉傳之黎婁也。孫綝傳亦云。丁奉離婁。史記秦後有終黎氏。世本作終離氏。黎離古字通。

注

或曰亂不極則治不形。

或曰當依文選作玄曰此太玄經之文也。晉書陸機傳亦誤。

劉繇傳。

注

繇祖父本。

本范史劉寵傳作丕。本丕字相近。譌。

注

字祖榮。

祖榮。劉寵傳作榮祖。

除下邑長。

李吉甫曰後漢無下邑。魏復立。按梁國屬縣有下邑。見郡國志。李說非也。

太史慈傳。

賊以手持樓棼。

許慎解棼。複屋棟也。徐鍇讀若曾參之參。

士燮傳。

武領海南太守。

海南誤。當是南海誤。或是日南耳。交州無海南郡。

流離翡翠。

流離卽瑠璃。古字通。漢書西域傳。珠璣、珊瑚、虎魄、璧、流離。師古引魏略曰。大秦國出赤、白、黑、黃、青、綠、縹、

紺、紅、紫十種流離。亦見魏志。

步夫人傳。

惟赤烏元年閏月戊子。

是年魏閏十一月。吳閏十月。蓋魏用景初曆。吳自用夏正。蜀與吳同年也。魏景初二

孫翊傳。

子松黃龍三年卒。蜀諸葛亮與兄瑾書曰。子喬良器。爲之惻愴。見其所與亮器物。感用流涕。其悼松如此。由亮養子喬咨述。故云。

書中言子喬良器。子喬卽松之字。松字子喬。猶喬字伯松。字義相應也。養子喬者。亮養子名喬。喬自吳來。爲亮述子喬事甚詳。故素知其爲良器。因其沒而悼之如此。趙觀察劄記云。孫輔傳。子松一段。最不可解。子喬乃瑾子。出繼亮爲後者。所謂依依於子弟。及與亮器物。果何謂也。豈松託喬附致器物于亮耶。然文義究不明晰。眉按。松乃孫翊子。在翊傳不在輔傳。因二傳相連。遂以爲孫輔傳誤一也。子喬者。松也。喬者。亮之養子也。合兩子喬爲一。誤二也。養子喬三字成文。當於養子二字略讀。去聲若截子喬二字爲名。則亮養二字作何解。誤三也。使書中。子喬卽是亮養子。則亮自與兄書。言其子之爲人。與

孫翊何涉。乃不載于亮瑾二人傳。而載于此耶。況傳明言悼松如此。顯以子喬爲松。而以爲文義不明。晰竊所未解。松以黃龍三年卒。亮養子喬已沒九年。

孫韶傳。

自權西征還都武昌。

陳仁錫本以征字絕句。今按還字當屬上西征爲句。吳主初屯吳。建安十六年。徙治秣陵。十七年。改秣陵爲建業。黃武二年。都鄂。改鄂爲武昌。武昌至是始都。不得云還都武昌也。吳主傳。黃龍元年。遷都建業。因故府不改。似當云還都。而云遷都者。以前此徙治建業。猶未卽尊。未得都名。故不曰還都。孫皓甘露元年。徙都武昌。寶鼎元年。還都建業。則書還都矣。

孫桓傳。

上兜道。截其徑要。

上兜道。水經注。作上夔道。



# 三國志攷證卷八

## 吳書二

張昭傳。

拜昭綏遠將軍。

陸績述玄稱安遠將軍彭城張子布攷雜號有綏遠無安遠魏於禁曾爲安遠將軍或是三國時有此號今當以綏字爲正。

峻因誦孝經仲尼居。

孝經正義引古文孝經作仲尼間居彼所謂古文僞古文也三國時僞書未出故峻所引仲尼居無間字與說文所引合居說文作尻古今字異耳近見日本國鄭注孝經亦作仲尼居無間字

顧雍傳。

注故雍與伯喈同名。

雍邕古字通用。

拜侯還寺。

一切經音義引三倉曰寺官舍也又漢九卿謂之九寺時雍累遷大理奉常職在九卿故曰還寺。

遂造作權酷障管之利。

禮、王制、鄭注、名山大澤不以封者、與民同財、不得障管、亦賦稅之而已。

次子裕有篤疾。注雍母弟徽、子裕字季則。

按雍次子名裕、母弟徽之子亦名裕、必有一誤、或疑注中子裕、卽雍次子、是一人、然既云有篤疾、不能襲爵、而又云少知名、位至鎮東將軍、當爲兩人也。

顧譚傳。

五營將秦兒。

秦兒當爲秦晃、見吳主傳、赤烏四年。

張紘傳。

子玄。

前云臨困授子靖留牋、則紘子實名靖、此作玄者、因靖旁立字脫、譌成玄耳。

嚴峻傳。

注 凱官至升平少府。

孫皓太后稱升平宮。

闕澤傳。

赤烏五年拜太子太傅。

法苑珠林破邪篇引章曜吳書澤以赤烏四年拜太子太傅按四年太子孫登也五年太子孫和也登傳不載澤爲太傅和傳云赤烏五年立爲太子闕澤爲太傅然則章曜書云四年者非也黃退庵鈔曰章曜吳書以康僧會來到遂感舍利下勅問闕澤澤曰諸佛設教天法奉行不敢違佛吳主大悅以澤爲太子太傅愚謂澤以儒學勤勞封侯不應因佞佛拜太傅陳志削之是也

薛綜傳

交阯糜泠九真都龐

糜泠漢書地理志續漢郡國志並作菴泠糜菴字皆誤也攷說文米部菴字許慎曰交阯有菴泠縣從米尼聲知字當爲菴也都龐前漢舊縣後漢省此有都龐當是漢末復置龐音

器械銖鈍

銖亦鈍也淮南齊俗訓云其兵戈銖而無刃高誘注楚人謂刃鈍爲銖

周瑜傳

出備牛渚

通典當塗縣有牛渚圻亦謂之採石吳爲重鎮吳氏曰大江之南上自荆岳下至常潤不過十郡十郡之間其要不過七渡上流最緊者三荆南之公安石首岳之北津中流最緊者二鄂之武昌太平之采

石下流最緊者二。建康之宣化鎮江之瓜州。

注兼六郡之衆。

是時已據會稽、丹陽、豫章、廬陵、吳郡、廬江，故云六郡。

瑜親跨馬櫟陣。

櫟當從手旁作櫟，櫟與掠通。櫟陣猶言擊陣也。唐書胡證傳：證膂力絕人，取鐵鐙繫，櫟合其跗，橫膝上。

即此櫟字，從木旁誤。

以下雋、漢昌、劉陽、州陵為奉邑。

奉邑字見史記河渠書，謂官所食。與封邑異。後魯肅代瑜領兵，則四邑屬肅。肅卒，呂蒙亦食下雋、劉陽、

漢昌、州陵四邑。

而道於巴邱。注與前所鎮巴邱名同處異。

前巴邱屬豫章郡。此巴邱在長沙郡下雋縣，其地有巴陵。

注呂蒙傳。

三史。

按是時謝承後漢書尙未成，吳主所謂三史，史記、漢書及東觀漢記也。韋昭吳書稱留贊好讀三史亦同。隨經籍志有吳太子太傅張溫撰三史略二十九卷。漢書東觀漢記劉知幾史通目為班東二史。

夾水口立塢。

李吉甫云。初呂蒙守濡須。聞曹公將來。夾水築塢。形如偃月。名曰偃月塢。輿地志云。柵江口。古濡須口也。吳築兩城於北岸。魏置柵于南岸。

程普傳。

騎五十四。

當爲五十四。韓當傳。授兵二千。騎五十四。呂範傳。增範兵二千。騎五十四。可證。  
安吳。

此吳新立縣。屬丹陽郡。

黃蓋傳。

諸幽遂巴醴。由誕邑侯君長。

巴醴。當是巴陵。醴陵。由誕未詳。時蓋爲武陵太守。

韓當傳。

封石城侯。

李吉甫云。吳大帝封韓當爲石埭城侯。因置石埭縣。本漢丹陽郡地。有兩橫石。雍江。有如埭焉。因爲名。眉按。石埭是縣名。當爲石埭侯。城卽埭字之譌。李吉甫以爲封當爲石埭城侯者失之。封爵之制。有鄉

侯亭侯。其上則邑侯。邑侯無書城侯者。  
封廣陽侯。

廣陽晉縣名。陳承祚據晉時縣名書之耳。當爲陵陽侯。晉咸康四年。以避杜皇后諱。始改廣陽。三國時不得爲廣陽也。此是魏封。吳則封周泰爲陵陽侯。

周泰傳。

注 威平意快爲之。

威平當爲幼平。因幼上有威字。遂譌幼爲威。

甘寧傳。

寧卒。

按吳甘寧之勇烈功績。與魏典章相上下。章不封侯。寧亦不封侯。酬功之典均爲未副。陳志以程黃韓蔣周陳董甘凌徐潘丁爲一卷。攷韓當封石埭侯。周泰封陵陽侯。徐盛封蕪湖侯。潘璋封溧陽侯。丁奉封安豐侯。皆及身封侯。追論程普功。封子咨爲亭侯。追論黃蓋功。賜子柄爵關內侯。追錄凌統功。封子烈爲亭侯。烈有罪。弟封復襲爵。又蔣欽子壹。封宣城侯。陳武子修。封都亭侯。表封都鄉侯。皆封其子。不侯者惟董襲甘寧。襲傳不言有子。或其人本無胤嗣。若甘寧則身未封侯。而其子於未得罪前。亦不加追錄。所以待寧者不亦薄乎。

子瓌

晉書甘卓傳。寧子名述。仕吳爲尙書。述子昌。太子太傅。述當是瓌之弟。史闕不書。亦其疎也。

凌統傳

使張承爲作銘誄。

漢法有諡始有誄。故鄭君檀弓注云。誄其行以爲諡。又云。誄其赴敵之功以爲諡。今凌統無諡而作誄。

非古也。

黃霽青

安海

曰。東吳將相有諡者甚少。攷陳志。惟張昭諡曰文侯。昭子承。諡曰定侯。顧雍諡

曰肅侯。其餘如周瑜、魯肅、諸人皆無諡。陸遜至孫休時始追諡曰昭侯。得諡者止此四人。若蜀漢則諸

葛亮、蔣琬、費禕、關羽、張飛、馬超、龐統、黃忠、趙雲、法正、陳祗、夏侯霸等皆得美諡。宜時論以爲榮也。

潘璋傳

遂領百校

百校當爲五校

丁奉傳

進封都亭侯

前已封都亭侯。此進封。則都鄉侯也。亭字誤。

朱治傳

權表治爲九真太守。

此九真太守當爲吳郡太守。初孫策以朱治爲吳郡太守，尙未表於漢帝。至是權始表聞，下云割婁、由拳、無錫、昆陵爲奉邑，皆吳郡屬城。證一也。又曰權優異之，自令督軍御史、典屬城文書。治領四縣租稅而已。明是吳郡太守。非九真太守。證二也。又云思戀土風，自表屯故鄣。治丹陽故鄣人。歲餘還吳。旣云還吳，則始自吳移屯故鄣。可知歲餘卽還。又非交州所能往返。證三也。又云在郡三十一年。攷後漢書獻帝紀，孫策以興平元年據江東。是歲策卽以朱治爲吳郡太守。自興平元年至黃武三年。治以黃武三年卒。正得三十一年。則治始終爲吳郡太守。未嘗遷轉。證四也。況是時吳止有會稽、吳郡、丹陽、豫章、廬陵、廬江、六郡。未得九真。士燮弟黈方爲九真太守。證五也。

朱然傳。

赤烏五年征柁中。注裴松之引孫盛異同曰：赤烏五年於魏爲正始三年。魏少帝紀及孫權傳是歲無事。當是陳壽誤以嘉禾六年爲赤烏五年耳。

按陳志之誤在以赤烏四年爲五年。魏少帝紀正始二年五月吳將朱然等圍襄陽之樊城。襄陽記柁中去襄陽一百五十里。此一證也。晉書宣帝本紀魏正始二年吳將全琮寇芍陂。朱然孫倫圍樊城。葛瑾步騭抄柁中。二證也。宋書天文志正始二年五月吳將朱然圍樊城。諸葛瑾入柁中。三證也。魏志王凌傳正始二年吳大將全琮寇芍陂卽此事。四證也。魏正始二年於吳爲赤烏四年。吳主傳赤烏四



年書車騎將軍朱然圍樊。大將軍諸葛瑾取柵中。此又灼然一顯證。故此傳之誤。在以四年爲五年。孫盛謂魏少帝紀。孫權傳。無此事。真可謂視睫不見。裴世期引之。全無辨證。最是疏處。

朱桓傳。

生虜雙送武昌。

攷魏將王雙。於蜀後主建興六年。爲諸葛亮所斬。此傳云。生虜雙送武昌。當是雙初被虜。至權稱藩於魏時。與于禁等同遣還。故仍爲魏將。後乃爲亮所斬也。

虞翻傳。

與日辰卯字。字同音異。

按篆文。柳從木從卯。卯卽古酉字。寅卯之卯。篆作卯。音旣不同。字亦別異。以爲字同音異者非也。蓋松之以隸書。柳旁之卯。與日辰寅卯之卯比之。故以爲字同音異。而不知篆體自有分別也。

注

然漢書王莽傳。論卯金刀。故以爲日辰之卯。今未能詳正。尋松之之說。蓋謂卯金刀之卯。本應從柳音。而訓故家。以爲日辰寅卯之卯。故云。今未能詳正。眉按。卯金刀。今讀卯。爲寅卯之卯。亦據今隸書耳。其實篆文作卯。卯卽酉字。安知不本爲酉金刀。而後人失其舊音邪。酉屬西方。爲金。爲刀。於義較合。所謂剛卯嚴卯。實剛酉嚴酉耳。則卯金刀。以日辰之卯釋之。而劉音固自在也。

注

朱育少好奇字。造作異字。千名以上。

朱育字嗣卿。見唐書藝文志。官至侍中。東觀令。見會稽典錄。好奇字。著幼學篇。蓋爰麻博學之流也。見梁七錄。名卽字也。周禮外史。掌達書名于四方。大行人。九歲屬醫史。諭書名聘。禮記。百名以上書於策。不及百名書於方。

注  
劉歊候。

會稽鄧縣。宋書州郡志。譌鄧爲鄧。玉篇。鄧莫候反。此又并莫反爲一字。進旁注候字。作大候字。於是成鄧歊候三字。

注  
松楊柳朱。

松楊當爲松陽。說見賀齊傳。

注  
忠子譚。

譚當依晉書本傳。及顧衆傳。作潭。從水旁。

陸績傳。

釋玄。

按績述玄云。章陵宋仲子爲太玄作解詁。往往有違本錯誤。其合於道者。因仍其說。其失者。因釋而正之。

略統傳。

出爲建忠郎將。

建忠下脫中字。

陸瑁傳。

注喜字文仲。

晉書本傳文仲作恭仲。

陸遜傳。

封華亭侯。

攷華亭至唐始置縣。吳時則亭侯也。郡縣志華亭谷在華亭縣西三十五里。陸遜封於此。

鄱陽太守孫魴。

周魴也。孫字誤。

陸抗傳。

自關羽至白帝。

關羽下當有瀨字。卽甘寧傳所云關羽瀨也。在益陽茱萸江上。水經注益陽縣西有關羽瀨。所謂關侯

瀨也。南對甘寧故壘。

孫登傳。

以恪爲左輔，休右弼，譚爲輔正，表爲翼正，都尉。

左輔右弼，輔正亦都尉名，與翼正均爲東宮官屬。

孫和傳。

權大怒，族誅正象，據晃牽入殿，杖一百。

此陳正、陳象、朱據、屈晃四人，當以象字絕句。言族誅陳正、陳象，牽據、晃入殿，杖各一百。

後年正月，又分吳郡丹陽九縣爲吳興郡，治烏程。

按後年者，明年之明年也。正月當爲十月，分吳郡之烏程、陽羨、永安、餘杭、臨水，及丹陽郡之故鄣、安吉、原鄉於潛，共九縣爲吳興郡。其烏程、陽羨、餘杭、故鄣於潛、五縣皆漢舊縣，其永安縣，吳時分烏程、餘杭、立臨水縣，吳時分餘杭、立安吉、原鄉二縣。漢靈帝中平二年，分故鄣立。

注 皓悲嘉涕淚。

嘉似當爲加。

注 賀齊傳。

賀氏本姓慶氏。

注 攷賀氏之先爲慶普，漢世傳禮者，所謂慶氏學，見晉書賀循傳。

注 漢中楊厚。

漢中當爲廣漢。後漢書本傳云：厚，廣漢新都人也。蜀志：周羣傳，舒學術於廣漢楊厚。守郟長。

齊會稽郡人，少爲郡吏，守郟長。此郟乃會稽郡之剡縣，字正作剡，音上冉反。與東海郡之郟縣，音談者異。今作郟，從邑旁誤。觀下云：威震山越可見。

建安立都尉府。

建安縣分侯官立，以年號爲名。後永安三年立郡，在會稽南部。此云立都尉府者，立會稽南部都尉府於建安也。

楊松長丁蕃與齊鄰城。

楊松當爲松陽。晉宋志並作松陽。李吉甫云：縣有大松樹，因以爲名。後分章安縣立，時齊爲永寧長，永寧亦分章安縣東甌鄉立，故云鄰城。

爲作鐵戈，以戈拓斬山爲緣道。

兩戈字俱是弋字，今本譌爲戈。攷太平御覽三百三十七引韋昭吳書云：乃作鐵弋。又云：以弋拓山爲道，字正作弋。收弋部不收戈部，蓋弋本是攻具，說文：檝，弋也。左傳襄十七年：以弋抉其傷，卽此。

徐盛被創失矛，得盛所失。

矛，宋本作牙。牙，旗也。御覽三百三十七引吳書曰：徐盛失牙，齊則拒擊，得盛所失。牙，引入牙部不入矛部，今

本作矛者誤。又得盛所失牙五字爲句。今本脫牙字。當補。

丹陽三縣皆降。

三縣謂陵陽、始安、涇縣也。然始安初屬零陵郡。後又屬始安郡。非丹陽屬縣也。

全琮傳。

隔絕障海。

障、古瘴字。陸胤傳。蒼梧南海。歲有舊風障氣之害。通作鄣。魏志公孫瓚傳。日南鄣氣。後漢書作瘴。俗字。

呂岱傳。

高涼西郡。

西郡乃西部之譌。

督劉纂、唐資等。及遣諸將唐咨等。

唐資卽唐咨。資字誤。

周魴傳。

佷矇狼狽。

佷與忭同。廣雅釋詁。佷、懼也。揚子方言。澗沐征佷。遑遽也。

鍾離牧傳。

入蜀遷陵界

遷陵屬吳，入蜀當是入吳之譌。

潘濬傳。

注

大公平，今之州都。

當作大公平，今之州都中正。

是儀傳。

愚管之言。

司馬貞曰：愚陋管見也。華覈傳：臣以愚管賀邵傳，注不勝愚管。後如顧臻表：司馬興之議，裴駟集解序。

並用愚管字。

胡綜傳。

徐詳者，字子明，吳郡烏程人也。先綜死。

陳志本以是儀、胡綜、徐詳三人爲一卷。故評曰：是儀、徐詳、胡綜，皆孫權之時，幹興事業者也。又曰：儀、清

恪、貞、素、詳，數通使命。綜、文采才用，徐詳應有專傳。今佚，輒爲摭拾聞見，補於左。徐詳，字子明，吳郡烏程

人也。孫權爲車騎將軍，都京，詳與胡綜是儀俱典軍國密事。本胡綜傳建安二十二年，遷都尉，權令詣曹

公請降。本吳主傳太祖與詳曰：孤比者願越橫江之津，與孫將軍遊姑蘇之上，獵長洲之苑，吾志足矣。詳

對曰。大王欲奉至順以合諸侯。若越橫江而遊姑蘇。是踵亡秦而躡夫差。恐天下之事去矣。太祖笑曰。

徐生得無逆詐耶。

本御覽六十九引吳地記

因報使修好。誓重結婚。

本吳主傳

劉備下白帝。權以詳領解煩。左部督。

魏拜權爲吳王。封詳亭侯。

本胡綜傳

爲侍中。偏將軍。權初置節度。官使典掌軍糧。非漢制也。初用詳。詳死。

用諸葛恪代詳。

本諸葛恪傳注引江表傳

權踐阼。都建業。進封鄉侯。與綜爲左右領軍。先綜死。

本胡綜傳

吳範傳。

魏滕歷歷山、潘陽、山陰、三縣令。

歷山當爲歷陽。潘陽當爲鄱陽。

劉惇傳。

尤明太乙。

案太乙緯書也。以一爲太極。因之生二目。二目生四輔。又有計神。與太乙合之爲八將。其以歲月日時

爲綱。而以八將爲緯。三臺五福十精之類。爲經。法以八將推其掩迫。因擊鬪格之類。占人君將相內外

災福。又推四神所臨分野。占水旱兵喪飢饉疾疫。又推三基五福大小遊二限易卦大運。占古今治亂

天下離合。如遇凶神陽九百六交限之際。卦運災變之限。大數凶者。其凶發於八將。掩迫因擊鬪格之

年。如遇吉星所會之分。卦象和平之運。非陽九百六交會之際。大數吉者。八將雖有掩迫之類。其災不

發。故占家以爲聖書。私相傳習。



趙達傳。

<sup>注</sup>葛衡字思真。

太平御覽<sup>二</sup>·引晉陽秋作葛衡字思真。衡古道字。字曰思真。似當為衡字。此衡字誤。

諸葛恪傳。

移書四部。

四部當為四郡。

白陽長胡伉。

白陽縣當屬丹楊。其廢置不可攷。

佃廬江皖口。

皖口。皖水入江之口也。今有皖口鎮。

今月十六日乙未。

按吳主以四月薨。推神鳳元年四月乙未。乃二十六日。傳文脫二字也。

遏湖水。

湖、巢湖也。

更作大隄。

按周氏曰。魏之重鎮在合肥。孫氏既夾濡須而立塢矣。又隄東興以遏巢湖。又覆涂塘以塞北道。然總之。不過於合肥巢縣左右。力遏魏人之東而已。

左右結山夾築兩城。

結山。魏志齊王芳紀注。引漢晉春秋。亦作結山。通鑑地理通釋。作依山。

蘆葦單衣篋鉤落。世謂之鉤絡帶。

鉤落與鉤絡同。落。絡。字通用。亦謂之郭洛帶。古制。革帶有鉤。管仲射桓公中帶鉤。後漢楊賜賜金錯鉤。佩以金錯飾鉤也。此謂以竹篋爲之。戴吉旋履曰。國策黃金師比。楚辭若鮮卑只。漢書匈奴傳。黃金犀毗。顏師古曰。犀毗。胡帶之鉤也。亦曰鮮卑。亦謂師比。總一物也。語有輕重耳。魏晉人謂之鉤落。亦謂之鉤躒。

於何相求成子閣。成子閣者。反語石子岡也。

成當讀若常。范蠡曰。得時不成。反受其殃。古成常字同音。晉書五行志。於何相求常子閣。竟作常字。亦通。讀成爲常。反語乃爲岡。宋書五行志。於何相求楊子閣。又作楊。蓋童謠本無正字也。石子岡。岡字。晉志作岡。

孫峻傳。

將軍孫儀孫邵綝恂等。

繼恂當爲林恂。見孫亮傳。

王蕃傳。

兼通術藝。

按蕃明於天文。宋志云。吳時爲中常侍。善數術。傳劉洪乾象麻。依乾象法而制渾儀。立論攷度古舊渾象。以二分爲一度。凡周七尺三寸半分。張衡更制。以四分爲一度。凡周二丈四尺六寸。蕃以古制局小。星辰稠穢。衡器傷大。難可輔移。更制渾象。以三分爲一度。凡周天一丈九寸五分。四分分之三也。

賀邵傳。

劉氏據三關之險。

張瑩漢南記曰。蜀陽平、江關、白水爲三關。

注 歷踐三城。

當爲二城。謂陽羨武康也。

注 石沐。

依晉書賀循傳。當作石沐。

注 同郡朱誕。

晉書作吳郡朱誕。賀邵會稽郡人。非同郡。

韋曜傳。

吳郡雲陽人也。

按曲阿至吳嘉禾三年始改名雲陽。曜在鳳皇年間已七十許。蓋生於建安時。當作曲阿人。此據後縣名追改之。非是。

古麻注。

此指周長生之洞麻。論衡稱其上自黃帝。下至漢朝。莫不紀載。故曜撰洞紀。亦起庖犧至秦漢。至於秦漢。

曜洞紀。終於漢建安二十七年。曜云。事尙未成。故後有臧榮緒續一卷。

華覈傳。

典農都尉。

按宋州郡志。吳省丹陽之江乘縣。立典農都尉。時又分吳郡無錫以西。爲毗陵典農校尉。

勅令草表。又勅作草文。草謂草書也。

評曰。然此數子處無妄之世。而有名位。強死其理。得免爲幸耳。

此汲古本評語如此。陳仁錫本云。然此數子處無道之世。或顯戮于殿廷。或賜死于遐荒。或誅夷于允。嗣皓之惡。浮于桀紂。而止於亡國。猶存其軀。亦幸也。夫陳本誤改。不可從。南監本與汲古本同。